

青神縣志卷五十二

祥異志

按通志雍正元年全蜀大稔青邑禾稻豐收

乾隆九年江水大漲數十丈邑中順江民舍淹沒至脊民遷
四山避之無損

乾隆四十五年六月江水大漲淹沒民舍民自樓上駕舟筏
避之無損耆老云較九年水尚淺一二尺

乾隆五十年五月初六地大震

嘉慶十四五六年青邑鴻化堰田全稔

青神縣志

卷五十二祥異

卅五

王廷玉青神縣人監生子王懷淑孫王昭層孫王克修元孫

王建武五世同堂年八十五歲

王汝瑞青神縣人子王進萬孫王應筆層孫王顯照元孫王

世燾五世同堂現年八十三歲

張觀賜青神縣人壽壹百零四歲恩賜上用貢緞二疋建坊

銀四十兩賜匾額昇平人瑞四字雍正八年生道光

十四年沒